

# “ЎЗКИМЁСАНОАТ” ҲАМДА “НАВОЙЙАЗОТ” АКЦИЯДОРЛИК ЖАМИЯТЛАРИНИНГ РАСМИЙ БАЁНОТИ

// 07 sentabr 2022 йил

<https://pda.uzkimyosanoat.uz/uz/press/news/navoiyazot-bayonot-azot>



Оммавий ахборот воситаларида, жумладан, Podrobno.uz веб сайти ҳамда Kompromatuzb ва НАВОЙЙ ВИИБ телеграм каналларида “Навоийязот” АЖ томонидан Зарафшон дарёсига ташланадиган ифлосланган сувлар таркибида азот кислотаси миқдори тавсия қилинганидан ортиб кетганлиги натижасида Зарафшон дарёсида яшовчи тирик жонзотлар нобуд бўлган” мазмунидаги маълумотлар кенг тарқалмоқда.

Холат юзасидан “Ўзкимёсаноат” ҳамда “Навоийязот” АЖлар қуидагиларни маълум қилади.

Олинган таҳлил натижаларига кўра рН меъёр даражасида, агар азот кислотаси мавжуд бўлганида эди ушбу кўрсаткич меъёрдан пасайган бўларди.

Т/р	Намуна олиш жойи	Намуна олиш санаси ва вақти	Кимёвий модда	Меъёр, mg/dm <sup>3</sup>	Таҳлил натижалари
1	Кл 267	02.09.22й. соат 9 <sup>40</sup>	pH	6,5-8,5	7,95

2	Кл 267	03.09.22й. соат $10^{10}$	pH	6,5-8,5	8,0
3	Кл 267	04.09.22й. соат $9^{00}$	pH	6,5-8,5	7,85

Шу билан бирга айтиб ўтиш жойзки "Навоийазот" АЖ оқова сувлари икки гурухга ажратилиши ҳақида кўп бор маълум қилинган. Булар таркиби заарли бўлган ишлаб чиқариш оқова суви (саноат канализацияси) ҳамда тоза ҳисобланадиган ёмғир ва совитувчи сув тизимларидан ташланадиган сувлардир (промливневая канализация).

"Навоийазот" АЖда ишлаб чиқаришда ҳосил бўлган заарли оқова сувлар алоҳида Биокимёвий тозалаш иншоотига юборилади ва у ерда талаб даражасида экологик тозаланиб, биоҳавзаларга ташланади. Иккинчи турдаги заарли ишлаб чиқариш оқова сувлари шлам йиғувчи ҳавзада йиғилиб қуритилади ҳамда шламлари утилизацияга юборилади. Мазкур иккала жараён ҳам корхонада жиддий назоратга олинган бўлиб, ҳозирги кунда ҳам узлуксиз фаолияти таъминланган.

"Навоийазот" АЖ ўз иш фаолиятида Ўзбекистон Республикасининг амалдаги қонунлари, фармонлари ҳамда барча меъерий-хуқуқий ҳужжатларидан келиб чиқсан ҳолда, корхонанинг атроф-муҳитга заарли таъсирини камайтириш бўйича мунтазам равишда тизимли ва мақсадли ишларни олиб боради. Шу билан бирга, "Навоийазот" АЖдан атмосферага тарқайдиган чиқиндилар ва оқова сув чиқиндилари корхонанинг экологик таҳлил (санитария) лабораторияси томонидан доимий назоратга олинган. Корхона жойлашган худуд экологиясига таъсирини камайтириш мақсадида "Навоийазот" АЖда атмосфера ва сув омборларига чиқиндиларнинг чиқарилиши, энг муҳими, уларнинг ҳосил бўлишини камайтириш, шунингдек, хомашё ҳамда энергия ресурсларини тежаш мақсадида жорий йилнинг ўзида 2 млрд. сўмдан ортиқ қийматдаги чора-тадбирлар амалга оширилган.

Бугунги кунда ташланаётган оқова сувларнинг таркибида аммоний бирикмалари аввалги йиллардаги каби кўрсаткичда ва бу Зарафшон дарёсида балиқларнинг қирилиб кетишига сабаб бўладиган даражада эмас. Чунки аммоний бирикмалари бир неча йиллардан бери юқори динамикани ташкил қилиб келган, лекин бу ҳолат дарёдаги балиқларга салбий таъсир кўрсатмаган.

Жорий йилнинг 4 сентябрь куни Зарафшон дарёсида содир бўлган, балиқларнинг нобуд бўлиши билан боғлиқ воқеадан сўнг дарҳол корхонанинг экологик таҳлил (санитария) лабораторияси томонидан дарё суви ва оқова сувлардан намуналар олинниб, лаборатория таҳлиллари ўтказилган бўлиб, улар қўйидаги натижаларни кўрсатди:

Таҳлил жойи	Ўлчов бирлиги	«Навоийазот» АЖ 267-қудук	Азамат пости
pH кўрсаткичи		7,85	8,35
Сув қаттиқлиги	мгекв/дм <sup>3</sup>	17,6	15,2
Хлоридлар	мг/л	230	140
Аммоний	мг/л	4,1	2,7
Циан тузлари	мг/л	0	0
Ишқориийлиги	мгекв/дм <sup>3</sup>	3,2	3,8

Нитратлар	мг/л	27,4	16,2
Гидразин	мг/л	ишлилмайди	0,007

Шуни алоҳида таъкидлаш керакки, корхонанинг экологик таҳлил (санитария) лабораторияси таҳлиллари натижаларига кўра, «Навоийазот» АЖдан бошқа корхоналар оқова сувлари таркибида 0,03 мг/л гидразин моддаси борлиги аниқланди. Гидразин моддасининг балиқлар яшайдиган сув ҳавzasига ташланадиган оқова сувлар таркибида бўлиши тақиқланади.

«Навоийазот» АЖга қарашли 267-қудуғига ташланадиган оқова сувлар тушадиган технологик қурилмаларда гидразин моддаси ишлилмайди.

Яна бир жиҳатга эътибор қаратиш лозим. Балиқ етиштириш хўжаликларида озуқа учун аммоний моддаларидан фойдаланиладиган балиқ етиштиришнинг интенсив технологиялари ҳам мавжуд. Бунга мисол қилиб, балиқ етиштиришда аммофос ўғити ишлилиши ва унинг таркибида 46% фосфор ҳамда 12% аммоний бирикмалари мавжудлигини келтиришимиз мумкин.

Зарафшон дарёсига тўғридан-тўғри оқова сувларнинг ташланиши ва келгусида ҳам кузатилиши мумкин бўлган бу каби асоссиз айбловларнинг олдини олиш мақсадида "Навоийазот" АЖда барча оқова сувларни Биологик кимёвий тозалаш иншоотига йўналтириш бўйича ишлар амалга оширилмоқда.

Ҳозирда Экология ва атроф-муҳитни муҳофаза қилиш давлат қўмитаси, ҳуқуқни муҳофаза қилиш органлари ва "Навоийазот" АЖ ходимлари томонидан барча оқова сувлар ташланадиган жойлардан таҳлил учун намуналар олиниб, содир бўлган ҳодиса юзасидан текширув ишлари олиб борилмоқда. Натижалари бўйича аниқ маълумотлар тезкорлик билан жамоатчиликка тақдим этиб борилади.

Шу ўринда, айрим ОАВ вакиллари, блогерлар ва ижтимоий тармоқ фаолларидан таҳминларга асосланган, ноаниқ маълумотларни тарқатмаслик ва асоссиз айбловлардан йироқ бўлишларини сўраймиз. Мавзу юзасидан аниқ, батафсил ва тезкор маълумотларни олиш учун "Ўзкимёсаноат" АЖ Матбуот хизмати билан боғланишингиз мумкин (+998 78 140 74 26).

"Ўзкимёсаноат" АЖ экология ва атроф-муҳит муҳофазасига алоҳида эътибор қаратади ва устувор вазифа деб билади. Бу борада тизим корхоналарида мунтазам мониторинг ўрнатиш, кимё саноатида экологик талабларга тўлиқ жавоб берадиган замонавий технологиялар ва "яшил энергетикани" кенг жорий қилиш бўйича тизимли ишлар давом эттирилади.

**"Ўзкимёсаноат" АЖ Матбуот хизмати**